

Trosolwg o'r pwnc

# Benthyciadau ar gyfer ymgyrchwyr refferendwm yr UE

---

Mae'r ddogfen hon ar gyfer ymgyrchwyr yn y refferendwm ar aelodaeth y DU o'r UE sydd am wybod sut y caiff benthyciadau a chyfleusterau credyd eraill eu rheoleiddio.

Cynnwys:

Beth a olygwn gan fenthyciadau

Pwy all fod yn fenthyciwr

Cofnodi a rhoi gwybod am

## Cyfieithiadau a fformatau eraill

I gael gwybodaeth am sut i gael y cyhoeddiad hwn mewn iaith arall, neu mewn print bras neu Braille, cysylltwch â'r Comisiwn Etholiadol:

Ffôn: 020 7271 0500

E-bost: [publications@electoralcommission.org.uk](mailto:publications@electoralcommission.org.uk)

## Termau ac ymadroddion a ddefnyddiwn

Rydym yn defnyddio '**rhaid**' wrth gyfeirio at ofyniad cyfreithiol neu reoliadol penodol. Rydym yn defnyddio '**dylai**' ar gyfer eitemau sydd yn arfer da gofynnol yn ein barn ni, ond nad ydynt yn ofynion cyfreithiol.

Nid oes rhaid i chi ddilyn y canllawiau hyn, ond os gwnewch hynny, byddwch fel arfer yn gwneud digon i gydymffurfio â'r gyfraith.

## Ein dull gorfodi

Mae'r Comisiwn yn rheoleiddio arian a gwariant gwleidyddol. Rydym yn ymrwymedig i roi dealltwriaeth glir i'r rheini a reoleiddiwn o'u rhwymedigaethau rheoliadol drwy ein dogfennau canllaw a'n gwasanaeth cynghori. Os nad ydych yn siŵr sut mae unrhyw rai o'r rheolau hyn yn gymwys i chi, ffoniwch ni am gyngor. Rydym yma i helpu, felly cysylltwch â ni.

Lle bynnag y bo'n bosibl, rydym yn defnyddio cyngor a chanllawiau yn rhagweithiol er mwyn sicrhau cydymffurfiaeth. Ac rydym yn rheoleiddio mewn ffordd sy'n effeithiol, yn gymesur ac yn deg.

Os nad ydych yn cydymffurfio â gofynion cyfreithiol neu reoliadol, gallwch chi neu eich sefydliad fod yn destun sancsiynau sifil neu droseddol. Mae mwy o wybodaeth am ddull gorfodi'r Comisiwn yn

[www.electoralcommission.org.uk/cymru/party-finance/enforcement](http://www.electoralcommission.org.uk/cymru/party-finance/enforcement)

# Benthyciadau ar gyfer ymgyrchwyr refferendwm yr UE

## Ar gyfer pwy y mae'r ddogfen hon:

Ymgyrchwyr cofrestredig yn y refferendwm, a'r rhai sy'n bwriadu cofrestru, sydd am ddeall y rheolau ar fenthyciadau a sut y caiff benthyciadau, cyfleusterau credyd a gwarannau yn y refferendwm ar aelodaeth y DU o'r UE eu rheoleiddio a'r hyn sydd angen i chi roi gwybod i ni amdano.

## Mae'r ddogfen hon yn ymdrin â'r canlynol:

- Beth sy'n cyfrif fel benthyciad
- Pwy all fod yn fenthyciwr
- Cofnodi a rhoi gwybod am fenthyciadau

## Dogfennau cysylltiedig:

- [Ymgyrchu a chofrestru ar gyfer ymgyrchwyr Refferendwm yr UE](#)
- [Rhoddion ar gyfer ymgyrchwyr refferendwm yr UE](#)
- [Adrodd cyn y bleidlais ar gyfer ymgyrchwyr Refferendwm yr UE](#)
- [Yr hyn a ganiateir i ymgyrchwyr Refferendwm yr UE](#)

## Papurau arbenigol

- [Rhannu gwariant](#)

# Crynodeb

Caiff rhai benthyciadau, cyfleusterau credyd a gwarannau a drefnir gan ymgyrchwyr cofrestredig yn y refferendwm eu rheoleiddio o dan Ddeddf Pleidiau Gwleidyddol, Etholiadau a Refferenda 2000 (PPERA) fel y'u diwygiwyd gan Ddeddf Refferendwm yr Undeb Ewropeaidd 2015.

Mae hyn yn golygu, cyn i drefnu unrhyw drafodyn, fod yn rhaid i chi gadarnhau y gallwch ei dderbyn, ei gofnodi ac, mewn rhai achosion, rhoi gwybod i ni amdano.

Mae'r trosolwg hwn yn egluro'r rheolau, ac yn dweud wrthyich ble y gallwch gael rhagor o wybodaeth.

# Cyflwyniad

O dan Ddeddf Pleidiau Gwleidyddol, Etholiadau a Refferenda 2015 (PPERA) ("y Ddeddf"), mae gennym gyfrifoldebau statudol penodol mewn perthynas â'r refferendwm ar aelodaeth y DU o'r UE.

Ein hamcanion ar gyfer y refferendwm yw:

- y dylai gael ei chynnal yn dda ac arwain at ganlyniadau a dderbynnir
- y dylai fod uniondeb a thryloywder o ran arian a gwariant ar ymgyrchu

Mae'r canllawiau'n adlewyrchu'r rheolau yn PPERA fel y'i diwygiwyd gan y Ddeddf. Mae'r Ddeddf yn darparu y gall y llywodraeth wneud newidiadau i'r rheolau o fewn rheoliadau. Os bydd hyn yn digwydd, byddwn yn diweddarau ein canllawiau a'n tudalennau gwe i ddangos y newidiadau hynny. Nid yw'r Ddeddf yn pennu hyd y cyfnod dynodi, hyd cyfnod y refferendwm na dyddiadau dechrau'r cyfnodau hynny. Rhaid i'r llywodraeth lunio rheoliadau sy'n amlinellu hyd a dyddiad dechrau cyfnod y refferendwm. Byddwn yn diweddarau ein [gwefan](#) pan gaiff y rheoliadau hyn eu llunio.

Mae'r canllawiau hyn ar gyfer ymgyrchwyr cofrestredig (a'r rhai sy'n bwriadu cofrestru).. I gael rhagor o wybodaeth am y rheolau a phryd mae angen i chi gofrestru â ni, gweler [Ymgyrchu a chofrestru ar gyfer ymgyrchwyr Refferendwm yr UE](#).

O dan PPERA, mae rheolau ar ba fenthyciadau y gall ymgyrchydd eu trefnu. Rhaid i rai benthyciadau gael eu cofnodi a rhaid rhoi gwybod i ni amdanynt. Rydym yn cyhoeddi'r adroddiadau hyn ar ein [gwefan](#). Yn y canllawiau hyn, rydym yn defnyddio 'chi' i gyfeirio at unigolyn cyfrifol cofrestredig ymgyrchydd.



I gael rhagor o wybodaeth am yr hyn a ganiateir, gweler y ddogfen hon:

- [Yr hyn a ganiateir i ymgyrchwyr refferendwm yr UE](#)

## Pwy sy'n gyfrifol am fenthyciadau?

Rhaid i ymgyrchwyr benodi a chofrestru 'unigolyn cyfrifol' â ni. Os ydych yn blaid wleidyddol wedi'i chofrestru yn y DU, eich trysorydd cofrestredig fydd eich 'unigolyn cyfrifol' yn awtomatig. Os ydych yn ymgyrchydd unigol, chi fydd yr 'unigolyn cyfrifol'.

Mae gan yr unigolyn cyfrifol gyfrifoldeb cyfreithiol i sicrhau bod eu sefydliad yn dilyn y rheolau ar fenthyciadau. Mae hyn yn cynnwys cynnal systemau addas yn y sefydliad i sicrhau yr ymdrinnir â benthyciadau'n gywir. Gall methu â chydymffurfio â'r rheolau ar fenthyciadau fod yn drosedd.

### Pleidiau gwleidyddol

Dim ond benthyciadau o rai ffynonellau yn y DU neu yn Gibraltar y gall pleidiau gwleidyddol cofrestredig yng Nghymru, yr Alban a Lloegr (heblaw mân pleidiau) eu trefnu a rhaid iddynt roi gwybod i ni am eu benthyciadau bob chwarter. Y trysorydd yw'r unigolyn cyfrifol. Mae'n ofynnol i bleidiau gadarnhau y caniateir eu benthycwyr cyn a thrwy gydol y cyfnod benthyc. Ceir canllawiau ar gyfer pleidiau ym Mhrydain Fawr [yma](#) ac ar gyfer pleidiau yng Ngogledd Iwerddon [yma](#).

Mae rheolau ychwanegol ar gyfer pleidiau gwleidyddol cofrestredig yn derbyn rhoddion ac yn cael benthyciadau ar gyfer ymgyrchu refferendwm gan:

- Ffynonellau yn Gibraltar,
- corff o dan siarter Brenhinol,
- Sefydliad Elusenol Corfforedig,
- Sefydliad Elusenol Corfforedig yr Alban a
- Partneriaeth Albanaid

Gallwch dderbyn rhoddion a benthyciadau gan y ffynonellau hyn hyd at werth terfyn gwariant eich plaid yn unig. Mae'n rhaid i chi gydgrynhoi gwerth rhoddion a benthyciadau o'r ffynonellau hynny i gyfrifo'r cyfanswm. Os ydych yn derbyn rhoddion a/neu fenthyciadau gan y ffynonellau hyn a bod y cydgrynhoad hwn yn fwy na'ch terfyn gwariant, cysylltwch â ni yn syth am gyngor.

Mae'r rheolau yn wahanol ar gyfer pleidiau gwleidyddol yn Gibraltar a phleidiau gwleidyddol yng Ngogledd Iwerddon. Gall y pleidiau hyn gael rhagor o wybodaeth am y rheolau y mae'n rhaid iddynt eu dilyn yn ein canllawiau ar [Gibraltar a Refferendwm yr UE](#) a [Caniatâd ar gyfer Pleidiau Gwleidyddol Gogledd Iwerddon yn y Refferendwm](#).

## Pa fenthyciadau a gwmpesir?

Dim ond benthyciadau gyda gwerth o fwy na £500 a gwmpesir.

Mae'r benthyciadau canlynol wedi eu cynnwys:

- Benthyciadau ariannol
- Cyfleusterau credyd, megis cardiau credyd a gorddrafftiau
- Gwarannau neu warantau ar gyfer rhwymedigaeth ymgyrchydd i rywun arall fel rhan o drafodyn cysylltiedig

Yn y canllawiau hyn, rydym yn defnyddio 'benthyciadau' i gyfeirio at bob un o'r trafodion hyn.

## Gyda phwy y gallwch drefnu benthyciad?

Dim ond oddi wrth fenthycwyr a ganiateir y dylai ymgyrchwyr cofrestredig dderbyn benthyciadau. Cyn i chi drefnu benthyciad, boed hynny cyn neu ar ôl i chi gofrestru fel ymgyrchydd, dylech gymryd pob cam rhesymol i gadarnhau bod y benthyciwr yn un a ganiateir. Mae'n drosedd trefnu benthyciad nas caniateir. Dylech hefyd gynnal y gwiriadau hyn er mwyn sicrhau y caniateir benthyciad neu fenthyciwr cyn i chi gofrestru fel ymgyrchydd.

Dylech hefyd wirio'n gyson drwy gydol cyfnod y benthyciad fod eich benthyciwr yn parhau i fod yn un a ganiateir. Rhaid i'r benthyciwr barhau i fod yn un a ganiateir ar gyfer cyfnod cyfan y benthyciad.

I gael rhagor o wybodaeth am gael rhoddion cyn cyfnod y refferendwm, gweler y ddogfen hon:

- [Adrodd cyn y bleidlais ar gyfer ymgyrchwyr refferendwm yr UE](#)

I gael rhagor o wybodaeth am yr hyn a ganiateir, gweler y ddogfen hon:

- [Yr hyn a ganiateir i ymgyrchwyr refferendwm](#)

## Beth yw benthyciwr a ganiateir?

Benthyciwr a ganiateir yw:

- unigolyn sydd wedi'i gofrestru ar un o gofrestrau etholwyr y DU, gan gynnwys etholwyr tramor
- unigolyn sydd wedi'i gofrestru ar gofrestr etholiadol Gibraltar
- cwmni sydd wedi'i gofrestru yn y DU ac sy'n gwmni corfforedig yn yr UE ac sy'n cynnal busnes yn y DU
- cwmni sydd wedi'i gofrestru yn Gibraltar ac sy'n gwmni corfforedig yn yr UE ac sy'n cynnal busnes yn Gibraltar
- undeb llafur sydd wedi'i gofrestru yn y DU neu Gibraltar
- cymdeithas adeiladu sydd wedi'i chofrestru yn y DU neu Gibraltar
- partneriaeth atebolrwydd cyfyngedig sydd wedi'i chofrestru yn y DU ac sy'n cynnal busnes yn y DU neu bartneriaeth atebolrwydd cyfyngedig sydd wedi'i chofrestru yn Gibraltar ac sy'n cynnal busnes yn Gibraltar.
- cymdeithas lesiant, diwydiannol, darbodus neu adeiladu sydd wedi'i chofrestru yn y DU
- cymdeithas anghorfforedig sydd wedi'i lleoli yn y DU ac sy'n cynnal y rhan fwyaf o'i busnes neu weithgareddau eraill yn y DU
- cymdeithas anghorfforedig sydd wedi'i lleoli yn Gibraltar ac sy'n cynnal y rhan fwyaf o'i busnes neu weithgareddau eraill yn Gibraltar
- corff sydd wedi ei gorffori gan Siarter Frenhinol
- sefydliad corfforedig elusennol yn y DU
- partneriaeth Albanaid sy'n cynnal busnes yn y DU



Rhaid i chi **beidio** â threfnu benthyciadau gydag ymddiriedolaethau, er y gallwch dderbyn rhoddion gan ymddiriedolaethau penodol.

Rhaid i chi beidio â threfnu benthyciadau gan bleidiau gwleidyddol sydd wedi'u cofrestru yn y DU neu yn Gibraltar, oni bai y cawsoch eich dynodi yn ymgyrchydd arweiniol mewn refferendwm.



## Sut rydych yn gweithio gwerth benthyciad allan?

Math o fenthyciad	Gwerth
Benthyciad ariannol	Y cyfanswm y byddwch yn ei fenthyg
Cyfleuster credyd	Yr uchafswm y gallwch ei fenthyg
Sicrwydd (trafodyn cysylltiedig)	Y swm y byddai'r benthyciwr sy'n darparu'r sicrwydd neu'r warant yn atebol amdano pe bai achos o ddiffyg dalu.

Os bydd y benthyciad yn caniatáu i unrhyw log gael ei ychwanegu at y cyfanswm rydych yn ei fenthyca, nid oes angen i chi gynnwys hyn yng ngwerth y benthyciad.

## Beth i'w wneud os byddwch yn cael benthyciad nas caniateir?

Os nad yw benthyciwr i ymgyrchydd cofrestredig (boed yn uniongyrchol neu'n anuniongyrchol drwy drydydd person) yn un a ganiateir neu os bydd yn newid i fod yn fenthyciwr nas caniateir ar unrhyw adeg yn ystod cyfnod y benthyciad, bydd y trafodyn yn annilys ac ni fydd ganddo unrhyw effaith gyfreithiol. Rhaid i chi ad-dalu unrhyw swm sy'n ddyledus gennych i'r benthyciwr, ynghyd ag unrhyw log sy'n ddyledus. Felly, rhaid i chi barhau i wirio bod y benthyciwr yn fenthyciwr a ganiateir drwy gydol cyfnod y benthyciad. Gall methu ag ad-dalu'r benthyciad fod yn drosedd.



Os canfyddwch eich bod wedi trefnu benthyciad gyda benthyciwr sy'n newid i fod yn un nas caniateir yn ystod cyfnod y benthyciad, dylech roi gwybod i ni ar unwaith.

Ar ôl y refferendwm rhaid i chi roi gwybod am y canlynol:

- enw a chyfeiriad y benthyciwr nas caniateir gyda gwerth o fwy na £7,500
- manylion y dyddiad pryd a sut y gwnaethoch ddelio â'r trafodyn (er enghraifft, sut gwnaethoch ad-dalu'r benthyciad)

# Adrodd cyn y bleidlais ar gyfer ymgyrchwyr refferendwm yr UE

## Pa gofnodion sydd angen i chi eu cadw o'ch benthyciadau?

### **Benthyciadau a chyfleusterau credyd**

Ar gyfer pob benthyciad neu gyfleuster credyd dros £7,500, rhaid i chi gofnodi:

- natur y trafodyn - p'un a yw'n fenthyciad neu'n gyfleuster credyd
- enw llawn a chyfeiriad y benthyciwr (i'r graddau y mae'n hysbys)
- y dyddiad y trefnwyd y benthyciad
- y dyddiad y mae disgwyl i'r benthyciad gael ei ad-dalu neu ddatganiad ei fod yn benagored neu, fel arall, sut y caiff y dyddiad ei bennu o dan y cytundeb
- gwerth y benthyciad ac, os nad oes gan gyfleuster credyd derfyn penodol, ddatganiad i'r perwyl hwnnw
- y gyfradd llog - neu sut y caiff y gyfradd ei phennu o dan y cytundeb, neu ddatganiad nad oes unrhyw log yn daladwy
- p'un a yw'r cytundeb yn cynnwys darpariaeth sy'n golygu y gellir ychwanegu llog nas talwyd at unrhyw swm ar gyfer yr amser sy'n ddyledus mewn perthynas â'r benthyciad neu'r cyfleuster credyd

Dylech gadw cofnodion o'r holl fenthyciadau, cyfleusterau credyd a gwarannau dros £500 gan y bydd angen i chi roi gwybod am y rhain ar ôl y refferendwm

- p'un a roddwyd unrhyw sicrwydd ar gyfer y benthyciad
- os trefnwyd benthyciad gyda rhywun sy'n fenthyciwr a ganiateir gyda chofnod dienw mewn cofrestr etholwyr, atodwch eu 'tystysgrif cofrestriad dienw'
- ar ôl i chi gofrestru fel ymgyrchydd, os trefnwyd benthyciad gyda rhywun nad yw'n fenthyciwr a ganiateir, y dyddiad yr ymdriniwyd â'r trafodyn, a'r ffordd yr ymdriniwyd ag ef yn unol â'r darpariaethau deddfwriaethol perthnasol

### **Sicrwydd a/neu Warant**

Ar gyfer sicrwydd a gwarant sy'n gysylltiedig â benthyciad neu gyfleuster credyd rhaid i chi ddweud y canlynol wrthym:

- natur y trafodyn cysylltiedig - pa fath o drefniant ydyw yn ôl y math o sicrwydd a roddir
- enw a chyfeiriad y gwarantwr (i'r graddau y mae'n hysbys)
- y dyddiad y rhoddwyd y warant neu'r sicrwydd
- y swm y byddai'r gwarantwr yn atebol amdano pe bai achos o ddiffygdlu
- disgrifiad o brif nodweddion y trafodyn
- manylion am unrhyw ystyriaeth a roddwyd yn gyfnewid am y sicrwydd/warant, neu ddatganiad na roddwyd ystyriaeth
- os yw'r sicrwydd yn cynnwys hawliau dros eiddo, natur yr eiddo hwnnw
- os trefnwyd trafodyn gyda rhywun sy'n fenthyciwr a ganiateir gyda chofnod dienw mewn cofrestr etholwyr, atodwch 'dystysgrif cofrestriad dienw'
- ar ôl i chi gofrestru fel ymgyrchydd, os trefnwyd trafodyn gyda rhywun nad yw'n fenthyciwr a ganiateir, y dyddiad yr ymdriniwyd â'r trafodyn, a'r ffordd yr ymdriniwyd ag ef yn unol â'r darpariaethau deddfwriaethol perthnasol

## Pa fenthyciadau sydd angen i mi roi gwybod amdanynt?

Rhaid i ymgyrchwyr cofrestredig gyflwyno adroddiadau cyn y bleidlais erbyn dyddiadau cau penodol, gan nodi pa roddion a gafwyd a pha fenthyciadau a drefnwyd ganddynt ar neu ar ôl 1 Chwefror 2016 ar gyfer ymgyrch y refferendwm sy'n werth dros £7,500. Mae hyn yn cynnwys benthyciadau a drefnir cyn i'r ymgyrchydd gofrestru.

Caiff dyddiadau cau adroddiadau cyn y bleidlais ynghyd â dechrau cyfnod y refferendwm eu nodi mewn rheoliadau a wneir gan y llywodraeth. Byddwn yn hysbysu ymgyrchwyr pan fydd hyn yn digwydd ar ein [gwefan](#).

Ar hyn o bryd, dylech gadw cofnodion cywir o unrhyw roddion neu fenthyciadau gwerth dros £7,500 a gewch o 1 Chwefror a ddefnyddiwyd neu y bwriadwyd eu defnyddio ar ymgyrch y refferendwm (boed hynny cyn neu yn ystod cyfnod swyddogol y refferendwm) fel y gallwch gydymffurfio â'r gofyniad adrodd hwn.

[Nid yw pleidiau gwleidyddol cofrestredig yn y DU nad ydynt yn fân pleidiau yn cyflwyno adroddiadau cyn y bleidlais nac yn rhoi gwybod am roddion ar ôl y refferendwm ond yn lle hynny maent yn rhoi gwybod amdanynt yn eu hadroddiadau chwarterol arferol. Ceir canllawiau ar wahân i bleidiau gwleidyddol ar gadarnhau y rhoddir caniatâd a rhoi gwybod am roddion [yma](#).

Byddwch yn gallu cyflwyno eich adroddiadau cyn y bleidlais [ar-lein](#) neu drwy gwblhau a dychwelyd [EUR-PPR - Adroddiad ar roddion cyn y bleidlais a benthyciadau](#). Fel yr unigolyn cyfrifol, rhaid i chi wneud datganiad yn yr adroddiad eich bod wedi archwilio'r adroddiad cyn y bleidlais a'i fod, hyd eithaf eich gwyt, yn adroddiad cyflawn a chywir fel sy'n ofynnol yn ôl y gyfraith

I gael rhagor o wybodaeth am ba gofrestrau y mae angen i chi eu gwirio, gweler y ddogfen hon:

- [Yr hyn a ganiateir i ymgyrchwyr refferendwm yr UE](#)

# Rhoi gwybod ar ôl y refferendwm

## Pa gofnodion sydd angen i chi eu cadw?

Rhaid i chi gofnodi a rhoi gwybod am bob rhodd dros £7,500 a drefnwyd ar ôl i chi ddod yn ymgyrchydd cofrestredig.

### **Benthyciadau a chyfleusterau credyd**

Pan fyddwch yn trefnu benthyciad rhaid i chi gofnodi:

- natur y trafodyn - p'un a yw'n fenthyciad neu'n gyfleuster credyd
- enw llawn a chyfeiriad y benthyciwr
- os mai cwmni yw'r benthyciwr, rhif cofrestru'r cwmni
- gwerth y benthyciad ac, os nad oes gan gyfleuster credyd derfyn penodol, ddatganiad i'r perwyl hwnnw
- y dyddiad y trefnwyd y benthyciad
- y dyddiad y mae disgwyl i'r benthyciad gael ei ad-dalu neu'r dyddiad y mae disgwyl i'r cyfleuster ddod i ben neu ddatganiad ei fod yn benagored neu, fel arall, sut y caiff y dyddiad ei bennu o dan y cytundeb
- os yw'r benthyciad wedi dod i ben, y dyddiad y daeth i ben
- y gyfradd llog - neu sut y caiff y gyfradd ei phennu o dan y cytundeb, neu ddatganiad nad oes unrhyw log yn daladwy
- p'un a yw'r cytundeb yn cynnwys darpariaeth sy'n golygu y gellir ychwanegu llog nas talwyd at y swm dyledus

Dylech gadw cofnodion o'r holl fenthyciadau, cyfleusterau credyd a gwarannau dros £500 gan y bydd angen i chi roi gwybod am y rhain ar ôl y refferendwm

I gael rhagor o wybodaeth am ba gofrestrau y mae angen i chi eu gwirio, gweler y ddogfen hon:

- [Yr hyn a ganiateir i ymgyrchwyr refferendwm](#)

- p'un a roddwyd unrhyw sicrwydd ar gyfer y benthyciad ai peidio

Rhaid i chi gofnodi cyfeiriad y benthyciwr fel y mae'n ymddangos ar y gofrestr statudol berthnasol. Os mai etholwr tramor yw'r benthyciwr, rhaid i chi gofnodi ei gyfeiriad cartref, a hynny am na fydd unrhyw gyfeiriad yn ymddangos ar y gofrestr etholwyr.

Os mai cymdeithas anghorfforedig yw'r benthyciwr, dylech gofnodi cyfeiriad y brif swyddfa, a hynny am nad oes cofrestr i gyfeirio ati.

### **Sicrwydd a/neu Warrant**

Ar gyfer sicrwydd a gwarant sy'n gysylltiedig â benthyciad neu gyfleuster credyd rhaid i chi ddweud y canlynol wrthym:



- natur y trafodyn cysylltiedig - pa fath o drefniant ydyw yn ôl y math o sicrwydd a roddir
- enw a chyfeiriad y gwarantwr
- y dyddiad y rhoddwyd y warrant neu'r sicrwydd
- y swm y byddai'r gwarantwr yn atebol amdano pe bai achos o ddiffygdalu
- disgrifiad o brif nodweddion y trafodyn
- manylion am unrhyw ystyriaeth a roddwyd yn gyfnewid am hynny, neu ddatganiad na roddwyd ystyriaeth
- os yw'r sicrwydd yn cynnwys hawliau dros eiddo, natur yr eiddo hwnnw

### **Newidiadau mewn benthyciadau**

Os bydd telerau eich benthyciad yn newid yn ystod cyfnod y benthyciad, rhaid i chi gofnodi'r newid gan y bydd angen i chi ei nodi ar eich ffurflen gwariant.

## Sut rydych yn cofnodi benthyciadau nas caniateir?

Ar gyfer benthyciadau nas caniateir dros £500, rhaid i chi gofnodi:

- yr un manylion ag sydd eu hangen ar gyfer benthyciad a ganiateir (i'r graddau y gellir eu cofnodi)
- manylion y dyddiad pryd a sut y gwnaethoch ddelio â'r trafodyn (er enghraifft, sut gwnaethoch ad-dalu'r benthyciad)

## Pa fenthyciadau sydd angen i mi roi gwybod amdanynt?

Rhaid i ymgyrchwyr heblaw pleidiau gwleidyddol (nad ydynt yn fân pleidiau) roi gwybod am fenthyciadau yn eu ffurflen gwariant ar ôl y refferendwm. Mae'n ofynnol hefyd i bleidiau gwleidyddol roi gwybod am eu gwariant ar ymgyrchu mewn ffurflen gwariant ar ôl y bleidlais. Rydym yn cyhoeddi'r adroddiadau hyn mewn cofrestr ar ein [gwefan](#).

Ar ôl y refferendwm rhaid i chi roi gwybod am y canlynol:

- pob benthyciad dros £7,500
- pob benthyciad a rhodd dros £500 sydd gyda'i gilydd yn gwneud cyfanswm o dros £7,500 o'r un ffynhonnell yn yr un cyfnod refferendwm
- cyfanswm gwerth unrhyw fenthyciadau dros £500 nas cynhwysir fel arall yn yr adroddiad

Mae hyn yn cynnwys pob benthyciad a drefnwyd ac a gofnodwyd yn eich adroddiadau cyn y bleidlais.

Mewn perthynas â phob benthyciad rhaid i chi gynnwys yr holl fanylion perthnasol fel y'u nodir uchod. Mae'r rhain yn cynnwys enw a chyfeiriad y benthycwyr a ganiateir ac yn achos benthyciadau nas caniateir, y dyddiad a'r modd y gwnaethoch gydymffurfio â'r gofynion statudol ar gyfer delio â benthyciadau nas caniateir.

I gael rhagor o wybodaeth am wariant ac adrodd, gweler y ddogfen hon:

- [Gwariant ar gyfer ymgyrchwyr refferendwm yr UE](#)
- [Yr hyn a ganiateir i ymgyrchwyr Refferendwm yr UE](#)




## Sut rydych yn rhoi gwybod am fenthyciadau?

Rhaid i chi roi gwybod i ni am fenthyciadau ar ôl y refferendwm yn eich ffurflen gwariant, gan ddefnyddio'r manylion a gofnodwyd gennych.

Bydd y dyddiad y mae'n rhaid i chi roi gwybod i ni yn dibynnu ar faint rydych yn ei wario ar eich ymgyrch.

Byddwn yn cyhoeddi'r dyddiadau cau ar gyfer Refferendwm yr UE mewn amserlen ar ein [gwefan](#). Fodd bynnag, fel canllaw, dangosir y dyddiadau cau cyffredinol ar gyfer rhoi gwybod ar ôl y refferendwm isod.



Gallech gael dirwy os na chyflwynwch eich ffurflen ar amser.

I gael rhagor o wybodaeth am wariant ac adrodd, gweler y ddogfen hon:

- [Gwariant ar gyfer ymgyrchwyr refferendwm yr UE](#)

Rhaid i chi gyflwyno ffurflen hyd yn oed os nad ydych wedi gwario unrhyw arian. Gelwir hyn yn 'ddatganiad dim trafodion'

## Sut y gallwn helpu

Mae rhagor o wybodaeth ar gael yn y canllawiau a awgrymwyd gennym yn y ddogfen hon, neu gallwch weld ein holl ganllawiau a'n hadnoddau diweddaraf ar ein gwefan.

Os yw'n haws, gallwch hefyd gysylltu â ni ar un o'r rhifau ffôn neu gyfeiriadau e-bost isod. Rydym yma i helpu, felly cysylltwch â ni.

Ffoniwch ni ar:

- Lloegr: 0333 103 1928  
[pef@electoralcommission.org.uk](mailto:pef@electoralcommission.org.uk)
- Yr Alban: 0333 103 1928  
[infoscotland@electoralcommission.org.uk](mailto:infoscotland@electoralcommission.org.uk)
- Cymru: 0333 103 1929  
[gwybodaeth@comisiwnetholiadol.org.uk](mailto:gwybodaeth@comisiwnetholiadol.org.uk)
- Gogledd Iwerddon: 0333 103 1928  
[infonorthernireland@electoralcommission.org.uk](mailto:infonorthernireland@electoralcommission.org.uk)

Ewch i [www.comisiwnetholiadol.org.uk](http://www.comisiwnetholiadol.org.uk)

Rydym yn croesawu adborth ar ein canllawiau - e-bostiwn ni yn: [pef@electoralcommission.org.uk](mailto:pef@electoralcommission.org.uk)